

# Chifukwa wuli Wavyoni Wakakhumbanga Kuchizgika?

Baibolo likuyowoyapo za vyoni kanandi waka. (2 Mathemba 5:1; Luka 5:12-14) Kasi vyoni ni vichi? Chifukwa wuli wanthu awo wakaŵa na vyoni wakakhumbanga nga wangachira mwaluwiro?

Sambirani vinandi na banja linu vya matenda gha vyoni agho ghakuzunulika mu Baibolo. Mungawona mu buku la Chingelezi la *Insight on the Scriptures* (liliso mu viyowoyero vinandi pa [jw.org](http://jw.org) . Lutani pa PUBLICATIONS > ONLINE LIBRARY) panji mungawona mu mabuku ghanyake agho muli nagho.

Para Muisrayeli wachira ku vyoni, wakeneranga kulondezga dango ilo likaŵapo pambere wandawelere uko wakakhalanga. Werengani Levitiko 14:2, 4, 8, 10, 20, pamasinda lembani mwandondomeko manambara mwakuyana na ivyo uyo wachira na wasembe wakeneranga kuchita.



- **IVYO MUNGACHITA:** Werengani Luka 5:12-15 na kuwona umo Yesu wakachitira na wavyoni awo wakakumana nawo. Pamasinda lembani wanthu awo mukuŵamanya awo wakulwara matenda ghakuru. Dumbiskanani umo mungachitira pa nkhani ya kuŵalongora lusungu nga ni Yesu.

**Mazgoro:** 1. Wavyoni uyo wachizgika wakukumana na wasembe. 2. Wavyoni wiza na viyuni viwiri. 3. Wavyoni wakuchapa malaya yake. 4. Wavyoni wali na tu-mberere twanalume tlviri na yanakazi yimoza. 5. Wasembe wakupelika sembe.